



## **Universitätsbibliothek Paderborn**

### **Cvrsvs Theologici ...**

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Prima Pars Et Prima Secundæ Divi Thomæ Complectvntvr -  
Qvæstiones Insvper Ad Mores & praxim spectantes, quæ peculiarem cum  
Scholasticis habent connexionem, declarantur

**Carleton, Thomas Compton**

**Leodii, 1659**

Sect. VIII. Satisfit reliquis circa generationem Verbi difficultatibus.

**urn:nbn:de:hbz:466:1-13718**

## TOMVS I. 302 Disp. LXV. De generatione Verbi. Sect. VIII.

qualitates siquidem physicæ, ut hunc suum effectum extrinsecum operentur, non alio modo subjecti concursu indigent; quam ut existant, seu ut in esse ab eo conserventur; unde si miraculosè extra subiectum constituantur, ut contingit in accidentibus Eucharisticis, quemque hujuscemodi effectus producent, ac si existerent in subiecto, ut in speciebus sacramentalibus quotidiana constat experientia.

V.  
Qualitates intentionales extra subiectum, sunt qualitates emor tua.

Ad effectus extrinsecos hec qualitates non indigent subiecto.

Secus res se habet in qualitatibus intentionalibus; haec siquidem, vitales cum sint, ita ad suos effectus subiectum vitale, sibi proportionatum requirent, ut si extra illud divinitus conserventur, nihil possint, sed sunt instar qualitatum mortuorum, earumque in omnibus legem subeunt; unde nec operationem ullam nec oppositionem inter se exercent. Sic Disp. 21. de Animâ, sect. 1. num. 3. 8. & 9. dixi assensem & dissensum de eodem objecto, amorem item & odium, & id genus alias qualitates oppositas, simul in lapide aut ligno, aliòve subiecto effectuum corum incapace constituti posse. Imò ad effectus extrinsecos non magis indigent subiecto, quam qualitates materiales, & mortuæ; sic enim si Deus qualitatem, seu actum intellectus aut voluntatis elevare per potentiam obedientiale vel ad florem aliquem, aut stellam producendam, perinde esset hinc intra subiectum, sive extra existeret. Hæc salvo meliori iudicio dici mihi posse videntur: si quis tamen melius quidpiam suggererit, libens amplectar.

### SECTIO OCTAVA.

#### Satisfit reliquis circa generationem Verbi difficultatibus.

I.  
Attributa omnia ex vi processionis non communicantur.

II.  
Spiritus S. ex vi productionis non procedit ne Persona di-vina.

III.  
Intellectionis accipit Spiritus S. ad idem significatur cum volitione.

Per volitionem communicatur intellectionis materialiter & econtra.

cut econtra dum per intellectionem communicatur Filio intellectio directè & formaliter, eidem indirectè & materialiter communicatur volitio.

Objicies quartò: gratis definitioni generationis à nobis adjici particulas illas ex vi processionis. Respondeatur, particulas hasce à Thomistis omnibus, aliisque plurimis Theologis huic definitioni apponi. Imò P. Ruiz hic, Disp. 6. sect. 7. latè ostendit has particulas formaliter vel virtualiter illi ab omnibus ascribi. Addo, videri mihi particulas illas in hac ipsa definitione implicitè includi; dum enim dicitur debere terminum oriri in similitudinem natura, innuitur ad hoc primariò tendere generantem, ut Filiū sibi in natura generando assilieret, quod est eum assimilare ex vi processionis, tanquam ex primario illius & natura intento: ergo non apponuntur hæc verba gratis.

Objicies quintò: Spiritus Sanctus procedit ut amans, ergo ut intelligens, nihil enim volitum quin præcognitum, ergo ex vi processionis accipit intellectionem. Respondeatur, realiter quidem procedere Spiritum Sanctum intelligentem, sicut procedit aeternus, immensus, omnipotens &c. formaliter tamen non procedit ut intelligens, cùm formaliter ex vi processionis non plus accipiat, quam relueat in principio illius formalis; hoc autem, ut sect. præcedente, num. 3. diximus, est tantum amor actualis simul cum actu primo amandi. Pro illo ergo priori originis procedit amans quoad intrinseca in denominatione amantis, in secundo autem, quo habet intellectionem denominatur amans etiam quoad extrinseca ad denominationem amantis requisita: nullum autem est instantis reale, in quo noui sit perfectissime amans complete.

Objicies sextò: hinc sequi Filii processionem esse perfectiorem processione Spiritus Sancti, cùm hic ex vi processionis non accipiat naturam divinam, quam accipit Filius. Hæc objecção omnibus perinde est solvenda: urget enim Thomistis, qui cum suo Magistro intellectionem volitionis, quelet, urget Scotistas, qui cum suo volitionem in perfectione præferunt intellectioni: Urget eos, qui Filium peculiariter aiunt procedere ut imaginem, haec enim quædam perfectio est, in Spiritus Sancti productione non reperta. Dico itaque, sicut supra, Disp. 61. sect. 1. cum communis sententia affirmitur Personas omnes ob eandem numerum, quam participant, naturam, esse in perfectione realiter & intensivè æquales, ita & esse æquales carum processione. Quid autem præcisivè, & ratione nostrâ sint, nil refert; sic enim licet omnes actus, seu representationes objectorum in Deo sint ob perfectam inter se identitatem realiter æquales, representatio tamen formicæ, quæ talis, non est tam perfecta, ac representatio Angeli.

Objicies septimò: Vel Filius procedit similis in natura, quia est per intellectum, vel quia per talis intellectum, nempe divinum: non primum, sic namque omnis productio per intellectum esset generatio: si vero dicatur secundum, Spiritus Sanctus procedet similis in natura, cùm procedat formaliter per voluntatem divinam, sicut Filius per intellectum, ergo etiam ejus processio erit generatio. Negatur tamen consequentia: ratio est, in intellectu enim divino, quæ tali, seu in actu primo intelligendi consistit, formaliter natura divina: actus vero primus volendi seu voluntas non est formaliter natura, ut offensum est sect. præcedente, num. 3. Unde non aliter dicitur voluntas divina, nisi quia est à se, infinita &c., essentialiterque realis.

realē postulat eum naturā diuinā identitatem,  
quamvis ipsa non sit formaliter divinitas.

VIII.  
Cur Filio,  
et non Spi-  
ritui Sancto  
competat  
ratio ina-  
ginus.

Hic tandem noto, quod Disp. praecedente, sect. 3, num. 5. huc remisi, rationem scilicet cur Filius sit imago Patris, non esse quid procedat ut intentionaliter ei similis, ut sect. tertia dictum est,

sed quia ex vi processionis accipit formaliter diuinam effientiam, sicut procedit Patri similis in naturā, quod non convenit Spiritui Sancto, qui ex vi processionis non naturam, sed voluntatem tantum accipit, ut latius declaravi sect. 6. & 7. num principie tertio.

## DISPUTATIO LXVI.

### *De Persona Spiritus Sancti.*

**T**ERTIAM Trinitatis Personam, nempe Spiritum Sanctum dari, fide certum est, & in ipsis Sacris Literis non uno loco traditum: sic Matthai ultimo, vers. 19. dicitur: Baptizantes eos in nomine Patris, & Filii, & Spiritus Sancti. Ioan. etiam 14. vers. 26. Paraclitus autem Spiritus Sanctus, quem mittet Pater in nomine meo. Prime item Ioan. cap. quinto, vers. 7. Tres sunt qui testimonium dant in celo, Pater, Verbum, & Spiritus Sanctus. Eum vero esse Deum ostendi supra, Disputatione quadragesima-nona, sectione secundā & tertią. Nunc reliqua ad illius notitiam spectantia sunt exponenda.

#### SECTIO PRIMA.

##### *Quaedam circa tertiam Trinitatis Personam inquiruntur.*

I.  
Ex quorum amore procedat Spiritus Sanctus.

**R**IMUM est, ex quorum amore procedat Spiritus Sanctus? Ad hoc supra, Disp. 64. sect. 4. num. 1. diximus eodem modo de Spiritu Sancto procedendum quoad amorem, ac de Filio quoad cognitionem necessarium, & illum ex omnium illorum volitione procedere, ex quorum hic procedit intellectione necessaria.

II.  
De appella-  
tione Spir-  
itu Sancti.

Care ex usu  
Ecclesiae hac  
vox Tertia  
Personæ per-  
culorister  
explicatur.

Secundum, quod hic inquirendum occurrit, est de nomine *Spiritus Sancti*, quod nomen ut ex S. Augustino lib. 5. de Trin. cap. 11. & alibi nota S. Thomas hic, q. 36. art. 1. secundum se spectatum, essentiale est, non notionale; Deo enim ut Deo, utpote qui & *Spiritus est*, & *Sanctus*, adeoque omnibus tribus Personis competit. Cum tamen vox *Spiritus* motionem quandam vehementem, & impulsum ex communi uero omnium & acceptio- ne significet, & *Spiritus Sanctus* per amorem & impulsu m suu impetu, quod amoris proprium est, procedat, hinc ut nota S. Thomas citatus, hoc nomen Tertiæ Personæ peculiariter ex usu Ecclesie attribuitur, quod ei nomen ab ipso Christo impositum est Matth. ultimo, v. 19. *Baptizantes eos in nomine Patris, & Filii, & Spiritus Sancti*. Huc fortassis alludit S. Augustinus lib. 11. de Civit. cap. 10. dum ait: *Spiritus Patris & Filii Spiritus Sanctus propriâ quadam notione hujus nominis in sacris literis nuncupatur*.

III.  
Nomen  
Amorom-  
nibus etiam  
Personæ co-  
petit.

Tertio inquirenda quedam sunt de nomine *Amoris*. Sicut ergo nomen *Spiritus Sanctus*, ut numero precedente vidimus, ita & nomen *Amor omnibus tribus Personis* est commune. Hinc idem

R. P. Comptoni Theol. Scholast. tom. L.

S. Augustinus lib. 15. de Trin. cap. 17. *Nescio*, inquit, *cur sicut Sapientia dicitur, & Pater, & Filius, & Spiritus Sanctus; & simul omnes, non tres, sed una sapientia, non ita & Charitas dicuntur Pater, & Filius, & Spiritus Sanctus, & simul omnes una Charitas*. Ratio est, quia sicut intelligendi, ita volen- di actus essentials omnibus & singulis Personis sunt communes.

Nihilominus, non essentialiter tantum, sed etiam IV. notionaliter sumitur *Amor*, & *Tertia Personæ* pec- Nomen culariter applicatur; cum ut supra, Disp. 50. Amoris su- contra Durandum cum communi Theologorum ostensum sit, Spiritum Sanctum procedere per voluntatem: ex quo sit, ut sicut secunda Personæ, quia procedit per intellectum, dicitur *Verbum*, ita Tertia procedens formaliter per voluntatem dica- tur notionaliter *Amor*.

Dicitur etiam Spiritus Sanctus ut observat V. S. Thomas hic, q. 37. art. 1. ad 3. *Patris & Filii Spiritus S. nexus*, quia scilicet est amor mutuus, quo se invi- est Patris & Filius nexus. cem diligunt, ut dicitur infra. Ad quam rem ap- positi S. Augustinus lib. 8. de Trin. cap. 10. *Quid est amor*, inquit, nisi quadam vita duo aliqua copulans, vel copulare appetens, amantem scilicet, & quod amat.

Circa nomen *Doni*, quod Spiritui Sancto tribui VI. peculiariiter solet, notandum, esse illud, quod gra- Notantur titudine, & liberaliter dari potest. Necessestum non quodamcir- est, ut donum semper distinguitur à donante, unde idem seipsum dare potest: sic tota Sanctissima ca nomen Trinitas sese creature rationali per gratiam com- municat. Hinc etiam Genes. 15. v. 1. dicit Deus: *Ego protector tuus sum, & merces tua magna nimis*. Si vero ad rationem Doni requirat quispiam distin- Filius in dia- ventionem à donante, & ut ab eo procedat, Filius vinis est est. Et Joan. 3. v. 6. Sic Deus dilexit mundum, ut Filium suum unigenitum Donum. daret.

Ccc 2

Hæc